

# Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat

## Kapitali 1

### *Atuuffia aamma taaguutinik nassuiaatit*

§ 1. Naalakkersuisut inuussutissarsiutinik ilinniartitsinerit inuussutissarsiutinillu ilinniartitsinerup iluani pikkorissaanerit ataqtigissakkaniq aqqissuussissapput, Naalakkersuisut inuussutissarsiutinut suliffissaqartitsiniarnermullu politikkikkut anguniagaat naapertorlugit namminersortut pisortallu suliffissaqartitsiffi assigiinngitsut eqqarsaatigalugit.

*Imm. 2.* Ilinniartitsinerit aqqissuussinerit, tak. imm. 1, aqqissuuneqassapput sapinngisamik annertunerpaamik makkununga naapertuuttunngorlugu:

- 1) inuusuttut ilinniarnissamut kaammattorneqarnissaat, aamma inuusuttut inuussutissarsiutinik ilinniagaqarumasut imaluunniit inuussutissarsiutinik ilinniartitsinerimut tunngasutigut pikkorissarumasut tamarmik piviusunik periarfissaqarnissaasa qularnaarnissaat aamma ilinniakkat pikkorissarnerilluunniit amerlanerusut akornanni toqqaasinnaannissaat.
- 2) inuusuttunik siunissami sulillutik inuunissaannut, ingerlaqqittumik ilinniagaqarnissaannut, Kalaallit Nunaanni namminermi aamma avataani, inuttut ineriartornissaannut aamma inuiaqatigiinnik ineriartornerannillu paasinninnissaannut tunngavissiumik ilinniartitsinissaq, aamma
- 3) suliffissaqartitsiffiit inuussutissarsiutini sulianut tunngasutigut nalinginnaasumillu piginnaasariaqartutigut pisariaqartitaasa piviusunngortinnissaat - inuussutissarsiutitigut inuiaqatigiinnilu ineriartornermut naleqqiullugit, tamatumunga ilanngullugit inuussutissarsiuteqarnerup ilusiligaanermigut ineriartornera, suliffissaqartitsiniarnermi pissutsit ineriartornerat, suliffiit aqqissugaanermikkut, nutaaliornikkut teknikkikkullu ineriartornerat.

§ 2. Tunngaviumik inuussutissarsiutinik ilinniartitsineq tassaavoq paarlakaattumik ilinniarniq, sungiusarluni sulinerup ilinniarfimminnerullu paarlakaaffigisaat. Tunngaviumik inuussutissarsiutinik ilinniartitsinerimut ilaapput tunngaviumik atuartsissutit, atuartsissutit suliamut tunngasut, atuartsissutit immikkut ittut aamma atuartsissutit nammineq toqqagassaajunnartut.

*Imm. 2.* Inuussutissarsiutinik ilinniartitsinerit allat tassaapput atuagarsornertut ingerlanneqarnerusut. Ilinniakkani taamaattuni sungiusarluni sulinerit sivikinnerusut ilaatinneqarsinnaapput.

§ 3. Qitiusumik ilinniarfik tassaavoq ilinniartitaanerit ingerlatsivik, inuussutissarsiutinut ilinniartitsiviusoq, ulluinnarnilu forstaderimit aqunneqartoq, Namminersorlutik Oqartussani

suliassaqarfimmut akisussaasumut nalunaartartumit.

## Kapitali 2

*Inuussutissarsiutinik ilinniartitsinerup aqunneqarnera*

*Siunnersuisoqatigiit aamma ataatsimiititaliat*

§ 4. Naalakkersuisut pisariaqartitsineq naapertorlugu siunnersuisoqatigiinnik ataatsimiititalianillu pilersitsisinnaapput, inuussutissarsiutinik ilinniartitsinerumut tamatumunngalu atatillugu suliffissaqartitsiffinni inuussutissarsiutitigullu ineriartornermut tunngasunik suliaqartartussanik. Naalakkersuisut aalajangiussinnaavaat ataatsimiititaliaq Inatsisartut inatsisaat naapertorlugu aalajangiisinnaatitaassasoq apeqqutini aalajangersimasuni.

*Imm. 2.* Naalakkersuisut siunnersuisoqatigiit ataatsimiititaliallu siunertaat, suliassaar, katitigaaneri, piffissap atuuffiusussap sivilissusissaa, akissarsiaassaar, allaffeqarfimmiit sullinneqarnissaat suleriaasissaallu pillugit malittarisassiorsinnaapput.

*Pilersitsineq, aaqqissuussineq aamma ilinniakkanik atorunnaarsitsineq*

§ 5. Naalakkersuisut ilinniakkanik nutaanik pilersitsisinnaapput ilinniakkanillu atorunnaarsitsisinnaallutik.

*Imm. 2.* Aammattaaq Naalakkersuisut qitiusumik ilinniarfiit ilinniartitsinerumut pilersaarutaat akuersissutigisassavaat, ilinniartitsinerumut pilersaarummik akuersissutigineqarsimasumik utertitsisinnaallutik, pisussaaffiliisinnaallutik qitiusumik ilinniarfimmu ilinniartitsinerumut pilersaarutitik suliaqarnissamik, imaluunniit ilinniartitsinerumut pilersaarummik pioreersumik allannguuteqartitsinissamik.

*Imm. 3.* Naalakkersuisut imm. 1 aamma 2-mi pissutsit, tassunga ilanngullugit ilinniartitsisut piginnaasarisariaqagaat, pillugit malittarisassanik aalajangersaasinnaapput.

§ 6. Naalakkersuisut ilinniakkat pillugit nalinginnaasunik aalajangersaasinnaapput, tamatumani aamma ilinniartitaanerit ataasiakkaat pillugit, aamma ilinniartitaanerumut atorunnaarsitsisarnernut.

*Nakkutilliineq*

§ 7. Naalakkersuisut ilinniakkat ilinniartitsinerillu nakkutigisavaat, Inatsisartut inatsisaat manna, malittarisassallu taanna malillugu aalajangersarneqartut naapertorlugit.

## Kapitali 3

*Ilinniartitaanerumut isersinnaaneq aamma tiguneqartarneq*

§ 8. Inuussutissarsiutinik ilinnialernissamut piumasaqaatit ilinniarfiit ilinniartitsinerumut pilersaarusaanni aalajangersarneqassapput, taamaattoq tak. imm. 2-5.

*Imm. 2.* Kinaluunniit akuerisaasumik inuussutissarsiummik ilinnialernissamut piareersaataasumik, naammaginnartumik angusaqarluni ingerlatsisimasoq, tunngaviummik inuussutissarsiummik

ilinnialersinnaavoq, taamaattoq tak. imm. 3 aamma § 11.

*Imm. 3.* Inuussutissarsiutinut tunngaviusumik ilinniartitsinernut tiguneqartarnermi piumasaqaataavoq qinnuteqartup tiguneqannginnermi ilinniartutut (lærlingitut) ilinniagaqarnissamut isumaqatigiissuteqarsimanissaa atsiukkamik imaluunniit ilinniagaqarnissamut isumaqatigiissuteqarsimanissaa piumasaqaataavoq, taamaattoq tak. § 9.

*Imm. 4.* Naalakkersuisut aalajangersagaliorsinnaapput ilinniagaqartut ilinniakkamut isernissamut pikkorissarnermik immikkut ittumik angusillutik naammassisaqarsimanissaannik inuussutissarsiutinut ilinniakkami tunngaviusumi aallartissinnaanissamut imaluunniit ingerlaqqissinnaanissamut.

*Imm. 5.* Ilinniartut qanoq piginnaasaqareerlutik toqqaannartumik inuussutissarsiummik ilinnialersinnaanerit pillugu malittarisassanik Naalakkersuisut aalajangersaasinnaapput.

*Imm. 6.* Naalakkersuisut inuussutissarsiutinik ilinniakkani allani ilinnialernissamut piumasaqaatit pillugit malittarisassanik aalajangersaasinnaapput.

**§ 9.** Qitiusumik ilinniarfiit inuussutissarsiutinik ilinniartitsinerni tunngaviusumik ilinniakkanut qinnuteqartut ilinniartussatut tigusassavaat, lærlingitut isumaqatigiissuteqarnissamik piumasaqaat imaluunniit ilinniagaqarnissamik isumaqatigiissut naammassineqarsimanngikkaluarpalluunniit, tak. § 8, imm. 3, naammassineqarsimanngikkaluartoq, imaappat:

- 1) sungiusaammik ilinniartitaaneq ilinniarfimmi namminermit ingerlasussaappat, tak. § 13, imaluunniit:
- 2) Naalakkersuisut akuersissutigisimappassuk ilinniagassanik pilersaarummi ilinniakkamut pineqartumut atatillugu, tak. § 5, imm. 2, aamma § 36, imm. 1, aalajangersagaappat ilinniakkamut qinnuteqartunik tigusaqartoqarsinnaasoq, naak qinnuteqartoq lærlingitut isumaqatigiissuteqanngikkaluartoq imaluunniit ilinniagaqarnissamut isumaqatigiissuteqanngikkaluartoq piffissami tiguneqarfiusumi.

*Imm. 2.* Naalakkersuisut aalajangersagaliorsinnaapput piumasaqaasiorsinnaallutillu ilinniartitaanermut pilersaarummik akuersissuteqartarnermut tunngatillugu, siumoortumik piumasaqaateqartoqassanngitsillugu lærlingitut isumaqatigiissuteqareernissamik imaluunniit ilinniagaqarnissamut isumaqatigiissuteqarnissamik, matumani aamma akuersissuteqarnermi aallaaviusarmat sungiusaammik suliffissamik isumaqatigiissuteqareersimaneq, kingusinnerusukkut ilinniagaqarnerup ingerlanerani sungiusaammik sulinissamut, imaluunniit allatut aaqqissuussamik ilinniagaqartut tiguneqarsimasut assingusumik ingerlatsinissaannut tunngatillugu, assersuutigalugu ilinniarfimmi namminermit sungiusaammik sulinissamik.

**§ 10.** Qitiusumik ilinniarfiit, inuussutissarsiutinik ilinniartitsinerit neqeroorutigisamik iluanni pisussaaffigaat, qinnuteqartut akuersaanissamut piumasaqaatinik, tak. §§ 8 aamma 9 piviusunngortitsisut tamaasa ilinniartunngortissallugit, imaluunniit isumagissallugu qitiusumik ilinniarfimmi allami assinganik ilinniartitsiffiusumi ilinniartunngortinneqarnissat, taamaattoq tak. § 11.

*Imm. 2.* Naalakkersuisut makku pillugit malittarisassaliorsinnaapput

- 1) ilinniarfiit akunnerminni suleqatigiinnerat,
- 2) ilinniarfinni ataasiakkaani ilinniakkat neqeroorutigineqarsinnaasut, aamma
- 3) ilinniarfiit arlallit assigiinnik ilinniagaqarfusut akornanni ilinniartut agguanneqarnerat.

**§ 11.** Naalakkersuisut suliffissaqartitsiniarnermi periarfissat imaluunniit inissaqartitsinikkut immikkut ittumik ajornartorsiutit tunngavigalugit, ilinniakkanut ataasiakkaanut ilinniartunngortitsisinnaanermik

killiliisunik malittarisassalorsinnaapput.

## Kapitali 4

### *Ilinniakkat neqeroorutaasut ilusaat*

**§ 12.** Naalakkersuisut akuerisinnaavaat inuussutissarsiutinik ilinniartitsinerit ilinniartitsinerit suliffeqarfinnilu allani ingerlanneqartarnissaat.

**§ 13.** Aaqqissuussisoqarsinnaavoq sungiusarluni sulinerit ilinniartitsinerit ingerlanneqartussanngorlugit.  
*Imm. 2.* Naalakkersuisut ersarinnerusunik malittarisassiorsinnaapput ilinniartitsinerit sungiusaammik sulisarnermut, tak. imm. 1.

**§ 14.** Naalakkersuisut makkua pillugit malittarisassiorsinnaapput:

- 1) ilinniakkani ataasiakkaani ilinniartitsinerit pilersaarummut sinaakkutissat, tassunga ilanngullugit ilinniartitsinerit sivissusiat, ilusaat, atuartitsissutit katitigaanerit assersuutigalugu tunngaviusumik atuartitsissutit, atuartitsissutit suliamut tunngasunut immikkullu atuartitsissutit il. il. naleqqiullugit, ilinniartunngorsinnaasut amerlassusissaat, sungiusarluni sulinerit atavillugit suliffeqarfinnit piumasaqaatit, nalilersuinerit pilersaarutit, suliffeqarfinnit ilinniartitsinerit, suliffeqarfinnit akuersisarneq aamma
- 2) ilinniartitsinerit sungiusarluni sulilluni ilinniartitsinerit agguannerit, aamma inuit immikkut ilinniakkatigut sulikkullu piginnaaneqarsut, ilinniakkat immikkoortuisa ilaannit sivikillisaanneqarsinnaanerit pillugu malittarisassat.

**§ 15.** Naalakkersuisut suliat imminnut assingusut iluanni ilinniakkat ataatsimoortissinnaavaat.  
*Imm. 2.* Ilinniakkani ilaasinnaapput faginik ilinniagassat imminnut qanittut arlaqartut.

**§ 16.** Ilinniakkat ataasiakkaat suliaasartunut ingerlanneqartartunullu naleqqiullugu tamatigoorluartumik aaqqissuunneqassapput, ilinniaqqinnissamut tunngavissaqarnissaq siunertarlugu, tassunga ilanngullugu ingerlaqqiffiusumik ilinniaqqissinnaanissaq.

**§ 17.** Naalakkersuisut tapertaliussatut pikkorissartitsisarnernut aaqqissuussinerit akuersissutiginnaavaat, ilinniagaqartut inuussutissarsiutinik ilinniartitaanerit allanut ikaarsaarnissanut atasunik aaqqissuussaasartut, aallartikkaluakkamut suliffigisimasamulluunniit taartaasussat.

**§ 18.** Ilinniartitsinerit akeqanngilaq, taamaattoq tak. imm. 3-4 aamma § 19.

*Imm. 2.* Ilinniartitsinerit atortut nalinginnaasut ilinniartitsinerimullu pisariaqartut, qitiusumik ilinniartitsinerit aamma inuussutissarsiutinik ilinniartitsinerit akeqanngitsumik ilinniartunut atugassanngortinneqassapput, taamaattoq tak. imm. 3.

*Imm. 3.* Naalakkersuisut aalajangersinnaavaat ilinniartut killilimmik namminneerlutik ilinniartitsinerit atortussanik piniartarsinnaanerit.

*Imm. 4.* Inuussutissarsiutit sammiviata § 12 naapertorlugu inuussutissarsiutinik ilinniartitsinerit neqerooruteqartup, imm. 1-3-mi aalajangersakkat apeqquataatinngit, ilinniartitsinerit peqataaneq il. il.

akiligassiissutigisinnaavaat. Tamannali taamaallaat atuuppoq, ilinniarfik, tak. § 12 qitiusumik ilinniarfiit akuerisaasut allat assinganik Namminersorlutik Oqartussanit tapiiffigineqartanngippat.

**§ 19.** Naalakkersuisut § 18-imi aalajangersakkat apeqqutaatinngit immikkut pisoqartillugu akuerisinnaavaat, aningaasartuutit namminersortut aningaasaliussaannit ilaatigut akilerneqassasut.

*Imm. 2.* Naalakkersuisut aningaasartuuteqartarnerit pillugit malittarisassanik erseqqinnerusunik aalajangersaasinnaapput.

## **Kapitali 5**

### *Ilinniakkat imarisaat*

#### *Ataatsimut aalajangersakkat*

**§ 20.** Ilinniakkat imarisaat, § 1, imm. 2-mi siunertat taaneqartut aamma malittarisassat § 5, imm. 3 aamma § 6, tunngavigalugit aalajangersarneqartut mianeralugit aaqqissuunneqassapput, sungiusarluni sulineq ilinniarfimmilu ilinniarnertit ataqtigittunngorlugit.

*Imm. 2.* Ilinniakkat imarisaat suliffeqarfiit maanna siunissamilu pisinnaasariaqartutigut pisariaqartitaannut naapertuutissapput.

*Imm. 3.* Ilinniakkat imarisaat ilinniartut inuussutissarsiummi suliamut tunngasutigut, ilinniarnissamut piareersimassutsikkut inuttullu piginnaasaannik inerisaaqataassapput, suliffeqarfiit pisariaqartitaannut, suliamut tunngatillugu nikeriarsinnaassuseqarnermut aamma ilinniartup atuagarsornikkut suliamullu tunngasutigut pisariaqartitaannut naleqqiullugit. Aammattaaq ilinniakkat imarisamikkut ilinniartup nammineerluni isummersinnaanissaanut, suleqateqarnissaanut attaveqaateqarsinnaanissaanullu peqataassapput aamma suliamut tunngasutigut inooqtigiiissutsikkullu ajornartorsiutinik qaangiiniarsinnaassuseqarnermik, aallarnisaasinnaassuseqarnermik, eqaassuseqassutsimik aamma pitsaassutsimik malussarsinnaassuseqarnermik siuarsaassallutik.

*Imm. 4.* Naalakkersuisut imm. 1-3-mi pissutsit pillugit malittarisassanik erseqqinnerusunik aalajangersaasinnaapput.

**§ 21.** Ilinniakkat ersarinnerusumik imarisaat ilinniartitsinermut pilersaarusiaanni ersissapput.

#### *Ilinniarfimmi ilinniarneq*

**§ 22.** Ilinniarfimiilluni ilinniarnertup ingerlanerani tamarmi ilinniarneq ataatsimoortumik isiginneriaaseqarluni tigussaasunik atuagarsornernillu ilaqartinneqassaaq, ilinniartut nalinginnaasunik immikkullu ittunik piginnaangorsarnissaat siunertaralugu, tamatumunga ilanngullugit:

- 1) ilinniartut sulianik, ilinniakkat siunnerfigisaannik, isumaginninnissamut tunngavississallugit, tassungalu atatillugu teknologii naapertuuttoq pillugu pisariaqartutigut ilisimasaqalersissallugit atuisinnaalersissallugillu,
- 2) ilinniartut namminneerlutik aamma ilinniaqqinnerit ilinniagaqaqqinnerillu aqqutigalugit piginnaasaminnik annertusaanissaannut tunngavississallugit, tassunga ilanngullugit ilinniagaqaqqinnissamut tunngavissiinerit,

- 3) ilinniartut inuttut inerikkiartornerannut peqataanissaq, aamma
- 4) ilinniartut inuiaqatigiit ineriartornerallu pillugit paasinnilersissallugit, annermik suliffeqarfiit sulisullu nalinginnaasumik inuussutissarsiornikkut inuiaqatigiinnullu atatillugu inissisimanerat pillugu aamma suliffissaqartitsiniarnermi pissutsit suliffinnilu avatangiisinut tunngasut pillugit paasinnilersissallugit.

**§ 23.** Ilinniartitsinerup aaqqissuunnerani sapinngisamik ilinniartut atugarisaat aallaavigineqassapput, anguniarneqassaarlutik ilinniartut ataasiakkaat piginnaasaat aallaavigalugit ilinniartitsinissaq, ilinniartut piginnaariigaasa soqutigisaasalu aallaaviginerisa nassatarisaat.

*Imm. 2.* Qitiusumik Ilinniarfiit ilinniartunut ilinniakkamik inuussutissarsiummillu toqqaanissaq pillugu ilitersorneqarnissamik neqerooruteqartassapput.

*Imm. 3.* Tamanna pillugu Naalakkersuisut malittarisassanik erseqqinnerusunik aalajangersaasinnaapput, pissutsini imm. 1 aamma 2-mi eqqaaneqartuni.

**§ 24.** Ilinniartitsineq pingaarnertut tunngaviusumik aaqqissuunneqartassaaq ilinniartitsinermi siullermi imaluunniit ilinniartitsinerni siullerni qulequttat ilinniakkani tamani ataatsimoorussaasut ilaatinneqarlutik, taamaalillunilu ilinniartitsinernerit sinnerini suliamut atatillugu immikkut sammivinnut piginnaanngorsarneq ingerlanneqartarluni.

**§ 25.** Naalakkersuisut malittarisassiorsinnaapput makkunnga tunngasuni:

- 1) atuartitsissutit siunertaat,
- 2) imarisaat,
- 3) ilinniarnermut ilitersuutaasunik piffissaliussaasunut, aamma
- 4) naliliinermi piumasaqaataasussat pillugit malittarisassanik.

**§ 26.** Atuartitsissutitut tunngaviusunut ilaassapput tigussaasunik atuagarsorlunilu ilinniartitsineq, inuussutissarsiutinik ilinniartitsinernit suliamut tunngasutigut tamatigoortuunissamut peqataatitsiviusut. Ilutigisaanik tunngaviusumik atuartitsissutit siunertarissavaat inuttut inerikkiartornerup siuarsarnissaa, ilinniarnermik piginnaanngorsaaqataanissaq aamma inuiaqatigiinnik inuiaqatigiillu ineriartornerannik paasititsinissaq.

*Imm. 2.* Suliamut atatillugu atuartitsissutitut ilaassapput tigussaasumik atuagarsorlunilu ilinniartitsineq, ilinniakkamut pineqartumut immikkut attuumassutilik, nalinginnaasumik immikkuullarissumillu ilinniartumik piginnaaneqalersitsiffusoq.

*Imm. 3.* Atuartitsissutitut immikkut ittunut ilaassapput inuussutissarsiummik ilinniarnermi suliamut tunngatillugu killiffimmi qaffasinnerpaami tigussaasumik atuagarsorlunilu ilinniartitsinernit, ilinniakkami immikkuullarissutaasut, ilinniartullu inuussutissarsiummi immikkut ittumik piginnaaneqalissutigisai. Ilinniartut atuartitsissutitut immikkut ittunik, ilinniakkami pineqartumi akuerisaasut akornanniittunik, toqqaasassapput.

**§ 27.** Atuartitsissutitut toqqaagassat ilinniartup soqutigisaanut naapertuutissapput.

*Imm. 2.* Ajornartinnagu atuartitsissutitut ilinniagaqaqqinnissamut aamma ilinniagaqaqqiffinni ilinnialernissamut pingaaruteqartut neqeroorutigineqassapput, taamaattoq tak. imm. 3.

*Imm. 3.* Atuartitsissutit toqqagassat ilinniakkap nalinginnaasumik killiffianut nallersuussinnaasut neqeroorutigineqarsinnaapput, sumiiffinni aalajangersimasuni piginnaasatigut pisariaqartitsinerit suliffissatullu periarfissat eqqarsaatigalugit.

#### *Sungiusarluni sulilluni ilinniarneq*

**§ 28.** Lærlingit sungiusarlutik sulinerat suliffeqarfimmi arlalinniluunniit pissaaq, sungiusaammik suliffissanik ataqatigiissaarinerimik aaqqissuussisartut inassuteqarnerisigut qitiusumik ilinniarfiup forständeriani akuerisaasumi, tak. § 33, imm. 2, nr. 1.

*Imm. 2.* Tunngaviusumik inuussutissarsiutinik ilinniartitsinerimik ilinniartoq suliffeqarfillu lærlingitut imaluunniit ilinniartinneqarnissamik isumaqatigiissummik atsioqatigiissapput. Inuussutissarsiutinik ilinniartitsinerini allani sungiusarluni sulinissamik isumaqatigiittoqassaaq, sungiusarluni sulisarnissat ilinniarnermut ilaappata.

*Imm. 3.* Sungiusarluni sulineq tamarmi ilaaluunniit atuaatigaluni sungiusarnertut pisinnaavoq, tak. § 13, ilinniagaqartup sungiusaammik suliffissatut innersuunneqartoq itigartissimanngippagu, tamatumani aamma illoqarfimmi allami ilinniartup aalajangersimasumik najugaqarfiginngisaani.

*Imm. 4.* Naalakkersuisut qinnuteqartoqarneratigut imm. 3-miittumi piumasaqaatip sanioqqunneqarsinnaaneramik akuersissuteqarsinnaapput, inuttut inuunermut immikkut ittumik atugassarititaasunik uppersarneqartunillu isumaginnittoqarfimmiit tamanna pillugu tunngaveqartumik, aamma ilinniagaqartumut namminermut tutsinneqarsinnaanngitsunik pissuteqartunik ilinniagaqartup sungiusaammik suliffissatut innersuunneqartoq tigusinnaanngippagu.

*Imm. 5.* Qitiusumik ilinniarfimmi forständerip sungiusaammik suliffissanik ataqatigiissaarinerimik aaqqissuussisartut inassuteqarnerisigut, tak. § 33, imm. 2, nr. 3, aalajangertassavaa sungiusaammik suliaqarneq nunani allani sulinikkut pisoq imm. 1 aamma 2 naapertorlugit sanilliunneqarsinnaanersoq sungiusaammik sulinertut nalinginnaasutut.

**§ 29.** Sungiusaammik ilinniakkamut atatillugu suliffeqarneq inuussutissarsiutinut ilinniarfinnut atasumik ingerlanneqartassaaq nalinginnaasumik sungiusaammik sulisarnermut pilersaarutaasut qitiusumik ilinniarfiup forständerianut akuerisaasut naapertorlugit, tak. § 33, imm. 2, nr. 2.

**§ 30.** Sungiusarluni sulinermut pilersaarutini allassimassapput ilinniakkap anguniagai, taakkualu tunngavigalugit suliffissat suliassallu sungiusarluni sulinerup ilagisassai allaaserineqarlutik.

*Imm. 2.* Sungiusarluni sulinermut pilersaarutit imaqartinneqassapput, ilinniarfimiilluni ilinniarneq sungiusarlunilu sulineq siunertamut naapertuuttumik tapertariissinnaanngorlugit. Taakku ilinniarfiup, ilinniartup suliffeqarfullu akornanni attaveqatigiittarneq pillugu malittarisassanik imaqassapput.

#### *Ilinniartunik naliliinerit, misilitsinnerit aamma svendinngussalluni misilitsinnerit*

**§ 31.** Ilinniartut ilinniakkap naammassineranut uppersarsaammik pissapput, tassunga ilanngullugit ilinniarfimiilluni ilinniarsimaneq naammassisaq aamma sungiusarluni sulilluni ilinniarneq naammassisaq pillugit uppersarsaatit. Ilinniartut ilinniarnerminnik unitsitsisut, ilinniakkap ilaanut naammassisaminnut uppersarsaammik pinissartik pisinnaatitaaffigaat.

*Imm. 2.* Ilinniakkani ataasiakkaani ilinniartut soraarummeertarnerat aamma ilinniarnep ingerlanerani nalilerneqartarnerat pisassaaq, naliliinissamik pilersaarut naapertorlugu, ilinniartitaanermut pilersaarummi, tak. § 5, imm.2. Qitiusumik ilinniarfeqarfiit malittarisassaanni svendinngussalluni misilitsissinnaaneq naliliinissamik pilersaarummi allassimavoq.

*Imm. 3.* Qitiusumik ilinniarfimmil forständerip aalajangersinnaavaa ilinniakkamut atatillugu sungiusaammik suliffeqarneq naggaserneqassasoq svende-tut misilitsinnermik, tak. § 33, imm. 2, nr. 4.

*Imm. 4.* Naalakkersuisut ersarinnerusunik maleruagassiorsinnaapput nalilersuisarnermik pilersaarusiortarnermut nalinginnaasumut aamma uppersarsaatitut malittarisassanik, matumani aamma uppersarsaatit qanoq iluseqarnissaannik tunniunneqartarnissaannillu.

*Imm. 5.* Naalakkersuisut soraarummeernerit aamma misilitsinnerit pillugit malittarisassalorsinnaapput, taakkununga ilaatigut ilanngullugit suliaassutit suliaqarneq, naliliinerit, censoreqarnermut, soraarummeertut kikkunerinik aalajangiinerit, tamanut ammasuutitsinissaa, karakterit taakkulu soraarummeerneri angusani oqimaatigiissinnerat, soraarummeernerit uppersarsaatitut, soraarummeernerit peqataassagaanni piumasaqaatit, soraarummeernissamut peqataassinnaannginneq, soraarummeernissamut pilersaarusiornerit, ikiutissanik atortoqarneq, napparsimalluni soraarummeerneq, soraarummeeqqinnerit, soraarummeernerit peersitaanerit, maalaaruteqarneq imaluunniit maalaaruteqarnissamut piffissaliussat pillugit aalajangersakkat

## **Kapitali 6**

### *Qitiusumik ilinniarfiit*

#### *Siunertaq suliaassallu*

**§ 32.** Qitiusumik ilinniarfiit, tak. § 3, suliaassarat inuussutissarsiutinik ilinniartitsinernik neqerooruteqarnissaaq, tak. § 2, siunertat § 1-imil taaneqartut aallaavigalugit, aamma inuussutissarsiutitigut suliffissaqartitsiniarnikkullu politikkeqarnermut atatillugu ilinniartitsinertigut suliniutinik inerisaanermut peqataanissaaq.

*Imm. 2.* Aammattaaq qitiusumik ilinniarfiit, Naalakkersuisut akuersereernerisigut, ilinniarnertuunngorniarluni ilinniakkanik neqerooruteqarsinnaapput, tamanna pillugu malittarisassat atuuttut naapertorlugu.

*Imm. 3.* Aammattaaq qitiusumik ilinniarfiit siunertaannut ilaapput ilinniartitsinermut atatillugu allaffissornikkut suliaassat erseqqinnerusumik aalajangersaaffigineqartut suliarinissaat.

*Imm. 4.* Aammattaaq qitiusumik ilinniarfiit Naalakkersuisut akuersereernerisigut ilinniartunut inissaqartitsinermik ingerlatsisinnaapput, ilinniartunut inissiat pillugit Inatsisartut inatsisaat naapertorlugu.

**§ 33.** Qitiusumik ilinniarfikkaarumik sungiusaammik sulisitsisarnermut ataqatigiissaarinermik ingerlatsinermik pilersitsisoqassaaq, orniguttarnikkut sungiusaammik suliffissanik pilersitsiortorfiummik.

*Imm. 2.* Qitiusumik ilinniarfiup forständeriata sungiusaammik sulisitsisarnermut ataqatigiissaarinermik ingerlatsinermiit inassuteqaatinik tunngaveqartumik aalajangiiffigisassavai:

- 1) suliffeqarfiit sungiusaammik ingerlatsiviusussat akuerineqartarneri, tak. § 28, imm. 1,
- 2) akuersissutigisassavai sungiusaammik sulinermik ilinniartitsinermi pilersaarusiat, tak. § 29, imm. 1,



- 3) nunani allani sulisinnaaneq akuersissutigisassallugu, tak. § 28, imm. 5,
- 4) inaarutaasumik soraarummeersitsisarnerit – svendeprøve ingerlattassallugit, tak. § 31, imm. 3,
- 5) ilinniagaqartut sungiussaammik sulinermit ilinniartitaanerup ilaanik ingerlatsinnginnissaannik akuersissuteqartarneq.
- 6) isumaqatigiissup akuerineqarnera, piffissaq ilinniakkap sivisussusaa piffissamit peqanngiffigisimasamit sivisunerusumik sivitsorneqarpat, tak. § 48, imm. 2, aamma
- 7) ilinniartup suliffeqarfullu akornanni isumaqatigiinngissimasoqartillu piffissap ilinniagaqarfusup sivitsornissaa, tak. § 48, imm. 3.

**§ 34.** Qitiusumik ilinniartit ilinniartitsineranut atasumik, tak. § 32, imm. 1, allanik suliaqarsinnaapput, ilinniartit inuussutissarsiutinik ilinniartitsinermut atasumik, suliamut tunngatillugu sammisaasartunik immikkut ilisimasaasa atorluarnissaat siunertarlugu, tassunga ilanngullugu siunnersuinernik sullissinernillu allanik akilerneqartussanik neqerooruteqarneq.

*Imm. 2.* Qitiusumik ilinniartit allatigut ingerlatsinerat unammilleqatigiinnermi atugassarititaasartut naapertorlugit ingerlanneqassaaq. Qitiusumik ilinniartit pikkorissaanernik ingerlatanillu allanik isertitsiffiusussatut neqerooruteqarnerminni, nittarsaassinermit pissuserissaarnertut ileqqusut malissavaat, allanillu akitigut unammillernermik kusanangitsumik atugaqalersitsissanatik.

*Imm. 3.* Naalakkersuisut qitiusumik ilinniartit allatigut ingerlatsinerat pillugu malittarisassanik aalajangersaasinnaapput, tamatumunnga ilanngullugit allatigut ingerlatsinissamut killilersuutit amerlanerit.

**§ 35.** Naalakkersuisut atorfnitsittarlugulu soraarsittarpaat qitiusumik ilinniartit forstanderi.

*Imm. 2.* Qitiusumik ilinniartit forstanderi inuussutissarsiutinik naleqquttunik aamma ilinniakkanik naleqquttunik tunuliaqutaqassaaq.

*Imm. 3.* Qitiusumik ilinniartit forstanderiata ulluinnarni ilinniartitsineq perorsaanermullu tunngasut akisussaaffigai aammalu ulluinnarni ilinniartit allaffissornikkut aningaasaqarnikkullu aqutsineq isumagissallugu.

*Imm. 4.* Qitiusumik ilinniartit forstanderiata nakkutigissavaa:

- 1) ilinniakkat malittarisassat atuuttut naapertorlugit ingerlanneqarnerat.
- 2) ilinniartitsinermit pissutsit isumannaatsuunissaat.
- 3) ilinniartit aningaasartuutissanut missingersuusiaasa eqqortillugit malinneqarnissaat.
- 4) ilinniartit allatigut ingerlatsinerata siulersuisut aalajangiussaat tunaartarisassiaallu naapertorlugit pinera.
- 5) sungiussaammik suliffissanut atatillugu aqqissuussinerup suliassani § 30 naapertorlugu ingerlatsinera.

*Imm. 5.* Qitiusumik ilinniartit forstanderia ilinniartit sulisuinik atorfnitsitsisuullunilu soraarsitsisarpog, tassunga ilanngullugit ilinniartit pisortai allat.

**§ 36.** Qitiusumik ilinniartit forstanderiata susassaartunik naleqquttunik isumasioreernikkut ilinniartitaaneranut pilersaarutit ilinniakkanut tamanut tunngasut siunnersuusiortassavai.

*Imm. 2.* Pissutsit § 33, imm. 2-mi eqqaaneqareersut saniatigut qitiusumik ilinniartit forstanderiata tamanna pillugu makkua aalajangiiffigisassavai:

- 1) qitiusumik ilinniartuup piginnaanngorsarfusuinik ilinniartitaanernik neqeroorutai, aamma ilinniartitaanernut sammisunik suliniutissai, kiisalu suliatigut aningaasanik isaatitsissutaasartutigut ingerlatassat, naleqquttunillu allatigut ingerlatassat aamma
- 2) ilinniariikkanik ilinniakkamut allamut nuutsisinnaanarit akuerisarneri imaluunniit piffissap ilinniagaqarfusussap sivitsorneqarnissaa, aamma ilinniartut ilinniartut ilinniartitaanerup ilaani peqataannginnissaasa akuerisarnera allatigut ilinniagaqarnermik tunngaveqartumik.

#### *Qitiusumik ilinniartut aningaasalersugaanerit*

**§ 37.** Qitiusumik ilinniartut ingerlatsinerit Nunatta karsia aqqutigalugu tapiissutigut aamma allatigut ingerlatsinerit isertitatigut aningaasalersorneqassaaq, isertitaqarfusumik ingerlatsinerit ilanngullugit.  
*Imm. 2.* Nunatta karsianit ukiumoortumik tapiissutit, ukiumut aningaasaliiffusumut tullermut aningaasanut inatsisip akuersissutigineqarneranut atatillugu Inatsisartut aalajangertassavaat.

### **Kapitali 7**

#### *Sungiusaammik suliffit*

**§ 38.** Sungiusaammik suliffissat qitiusumik ilinniartut isumagineqartarput, tak. § 33, imm. 1.  
*Imm. 2.* Naalakkersuisut malittarisassiorsinnaapput aqqissuussisarnernut suleqatigiinnernik aamma paasissutissiisarnernik, siunnerfigalugu sungiusaammik suliffissanik naammattunik peqalernissaa.

**§ 39.** Sungiusaammik suliffissat pillugit ataqatigiissaarnermik aqqissuussinerup forständerimut inassuteqaatai, tak. § 33, imm. 2, nr. 1, suliffeqarfimmik sungiusaammik suliffissatut akuersissuteqartarneq pillugu, ingerlanneqartarpoq naliliinernik tunngaveqartumik, suliffeqarfiup sungiusaammik ilinniakkamut atatillugu sulisitsinermik naammassinnissinnaaneramik nalileereerneramik, sungiusaammik sulinissamut pilersaarusaasut naapertorlugit aqqissuussaasumik, § 29, tunngavigalugu aalajangersagaasunik, aammalu suliffeqarfiup naammaginartumik ilinniartut ilinniartitsisinnaaneranik tunngaveqartumik.  
*Imm. 2.* Naalakkersuisut malittarisassiorsinnaapput akuersissutit suliaqartarnermut tunngatillugu, tamatumani aamma malittarisassanik suliat ingerlattaneranin piffissalersuinerit tunngatillugu.  
*Imm. 3.* Naalakkersuisut immikkut ilisimasalimmit inassuteqaammik tunngaveqartumik ilinniakkanut atatillugu sungiusaammik suliffissanik qitiusumik ilinniartut atasuunngitsuni akuersissuteqarsinnaapput.

**§ 40.** § 33, imm. 2, nr. 1, aamma § 28, imm. 1, naapertorlugit suliffeqarfiup sungiusaammik suliffittut akuerineqarsinnaannginneramik aalajangiinerit, Naalakkersuisunut saqqummiunneqarsinnaapput.

### **Kapitali 8**

#### *Ilinniartut inatsisitigut atugassarititaasut*

**§ 41.** Tunngaviumik inuussutissarsiummik ilinniagaq naammassineqassappat piumasaavoq, ilinniartut aamma suliffeqarfiup ataatsip amerlanerilluunniit akornanni lærlingit imaluunniit ilinniagaqarnissamut isumaqatigiissuteqartoqarsimanissaa, tak. taamaattoq imm. 6 aamma § 13.

*Imm. 2.* Lærlingitut isumaqatigiissut imaluunniit ilinniagaqarnissamik isumaqatigiissummi ilaassapput ilinniakkami sungiusarluni sulinissat ilinniarfimmittarnissallu tamarmik, tassunga ilanngullugit svendinggussalluni misilitsinnerujunnartut. Naalakkersuisut tamatumunnga qitiusumik ilinniarfimmitt qinnuteqartoqarneranik tunngaveqartumik immikkut akuersissuteqarsinnaapput, ilinniarfik sungiusaammik sulisitsinissamut pisariaqartunik atortulersugaappat, uppersarsarnejarsinnaappallu ilinniagaqartoq sungiusaammik sulinerimik ilinniarfimmik namminerimik ingerlatsisinnaasoq.

*Imm. 3.* Ilinniartut ilinniarfimmik ilinniagaqarnissamut isumaqatigiissuteqanngitsut, tamatumani aamma ilinniarfimmik namminerimik sungiusaammik sulinissamut, isigineqassapput inuussutissarsiutinut ilinniartitaanerni tunngaviusunik ilinniagaqartutut, sulisitsisumiit akissarsiaqartinneqanngitsutut.

*Imm. 4.* Suliffeqarfiit arlallit isumaqatigiissummut peqataappata, isumaqatigiissummi ersissaq, ilinniarfimmiiinnerit sungiusarlunilu sulinerit suut suliffeqarfiit ataasiakkaat peqataaffiginaat.

*Imm. 5.* Suliffeqarfik isumaqatigiissuteqarnikkut imminut pisussaaffilersinnaavoq ilinniartup ilinniarnerrata ilaa suliffeqarfimmik allami ingerlanneqarsinnaasoq, imaluunniit ilinniarfimmik sungiusaammik sulinertut ingerlanneqarsinnaasoq.

*Imm. 6.* Inuussutissarsiutinik ilinniartitsinerit Naalakkersuisunit akuerisaasut, lærlingitut ilinniartinneqarnissamilluunniit isumaqatigiissuteqarnissamik piumasaqaateqarfunngitsut aamma atuaatigaluni sungiusarluni sulineq, imm. 1-5-imi ilaatinneqanngillat.

**§ 42.** Ilinniarnerup naamassinissaanut piumasaqaataavoq, ilinniartup ilinniarfimmik ilinniartitsinerimut peqataanissaa, ilinniarfiup pineqartup, ilinniarnermut malittarisassat naapertorlugit aalajangersagai malillugit.

*Imm. 2.* Naalakkersuisut ilinniartunik ilinniarfimmik aggersaanermi periusissat pillugit malittarisassanik aalajangersaasinnaapput.

**§ 43.** Ilinniartut ilinniarfimmik ilinniartitsinerimut takkutinngitsoortut imaluunniit ilinniarfiup pissuserissaarnissamik malittarisassaanik annertuumik unioqqutitsisut, annikinnerusumik kinguneqartumik iliuuserineqarsinnaasut iluaqutaanngitsumik atorineqareersimappata, ilinniartitsinerimut ilaatitaajunnaarsinneqarsinnaapput. Ilinniartitsinerimut ilaatitaajunnaarnissaq ilinniarfiup forständerianit taamaallaat aalajangerneqarsinnaavoq.

*Imm. 2.* Naalakkersuisut pissuserissaarnissamik, pinngitsoorani takkuttussaaneq aamma ilinniartitsinerimut ilaatitaajunnaarsinnaaneq tamatumani suliat suliarineqartarnissat pillugit malittarisassanik erseqqinnerusunik aalajangersaasinnaapput.

**§ 44.** Lærlingitut aamma ilinniartinneqarnissamik isumaqatigiissutit allaganngorlugit suliaassaaq, kingusinnerpaamillu isumaqatigiissutit atuutilernerani atsiorneqarsimassallutik. Isumaqatigiissut atsiugassiami suliaareersimasumi - formularimi - qitiusumik ilinniarfimmik tusarniaarearluni Naalakkersuisunit akuerisaasumi isumaqatigiissutigineqassaaq.

*Imm. 2.* Naalakkersuisut akuersiteqqaartinnagit immersugassap isumaqatigiinnermut atatillugu imarisai allanngorneqarsinnaanngillat ilaneqarsinnaanatililu.

*Imm. 3.* Lærlingitut ilinniartinneqarnissamillu isumaqatigiissummi ilinniartup sungiusarluni sulinerimik nalaani akissarsiat tigusartagassai allassimassapput.

*Imm. 4.* Naalakkersuisut lærlingitut ilinniartinneqarnissamillu isumaqatigiissutip imarisassai nalunaarsornissaalu pillugit malittarisassanik erseqqinnerusunik aalajangersaasinnaapput.

**§ 45.** Inuussutissarsiummik ilinniartuq isumaqatigiissutit atuuttut naapertorlugit akissarsiaqarsinnaatitaavoq, ilinniartuunersiallu pillugit Inatsisartut inatsisaat naapertorlugu immikkut tapisiaqarsinnaatitaalluni. Sungiusarluni suliffik ataatsimoorluni isumaqatigiissusiorsimanermut ilaangippat, ilinniartuq minnerpaamik pisortatigoortumik sulisitsisumi isumaqatigiissuteqarsimanermut ilaasumi ilinniartutut, akissarsiamigut atorfininnermigullu atugassaqartinneqassaaq.

*Imm. 2.* Naalakkersuisut aalajangersinnaavaat, tassungalu ilaatillugu malittarisassiorsinnaallugu, ilinniartup inuussutissarsiummik ilinniarnini tamaat ilaaniluunniit akissarsiaqarnermut taarsiullugu ilinniartuunersiaqarfigissagaa.

**§ 46.** Piffissami isumaqatigiissuteqarfusumi aalajangersakkat, ataatsimoorussamik isumaqatigiissuteqarnikkut imaluunniit inatsisitigut sulisut atorfinittarnerinut sulinermilu atugarisassaannut il.il. aalajangersarneqarsimasut atuutissapput, Inatsisartut inatsisaat manna naapertorlugu ilinniakkamut akerliunngikkunik.

*Imm. 2.* Sulisitsisup qaqutiguuissumik ilinniartuq ilinniarnissamik siunertaqanngikkaluamik suliakkersinnaavaa, aatsaallu taamaaliorsinnaalluni ilinniakkami anguniakkat anguneqarsinnaappata.

**§ 47.** Ilinniartut siusinnerusukkut ilinniarsimanertik sulisimanertilluunniit pissutigalugu ilinniakkamut, lærlingitut imaluunniit ilinniartinneqarnissamik isumaqatigiissummi pineqartumut immikkut piginnaasaqareersut, qitiusumik ilinniarfimmi forständerimit ilinniarnermut isumaqatigiissuteqarnermut atatillugu kingusinnerusukkulluunniit ilinniarnernup sivikillineqarnissaa pillugu aalajangiivigineqarsinnaapput.

**§ 48.** Ilinniartuq suliffeqarfillu sungiusarluni sulinerup sivitsornissaanik isumaqatigiissuteqarsinnaapput, ilinniartuq

- 1) napparsimaneq pissutigalugu suliffeqarfimmi ilinniarfissatut piffissaliussap 10 procentia sinnerlugu peqanngissimappat,
- 2) tapertaliussaasumik atuarneq pissutigalugu suliffeqarfimmit peqanngissimappat,
- 3) naartunermut, erninermut meeravissartaarnermulluunniit atatillugu, tamanna pillugu inatsisit naapertorlugit sulinngiffeqarpat imaluunniit
- 4) pissutsit immikkut ittut pissutigalugit piffissap ilaannaa sulisarpat sulinngiffeqarpalluunniit.

*Imm. 2.* Imm. 1 naapertorlugu piffissaq ilinniagaqarfusooq sivilissusaa piffissamit peqanngiffigisimasamit sivilissunerumik sivitsorneqarpat, isumaqatigiissut aatsaat atuutissaaq qitiusumik ilinniarfimmi forständerip tamatumunnga inassuteqartoqarneranik tunngaveqartumik, sungiusaammik suliffeqartitsisarnermut ataqatigiissaariffimmiit inassuteqaat akuerippagu.

*Imm. 3.* Qitiusumik ilinniarfimmi ilinniartup suliffeqarfullu akornanni, piffissaq peqanngiffusooq pissutigalugu imm. 1-imi taaneqartutut sivilissuinissaaq isumaqatigiinngissutigippassuk qitiusumik ilinniarfimmi forständerip sungiusaammik suliffeqartitsisarnermut ataqatigiissaariffimmiit tamatumunnga inassuteqaat tunngavigalugu, illuatungeriinniit piffissap ilinniagaqarfusup sivilissusaa sivitsorsinnaavaa.

**§ 49.** Pissutsit §§ 47-48-ini taaneqartut saniatigut qitiusumik ataatsimiititaliaa imaluunniit qitiusumik ilinniarfiup forstanderiata pissutsit immikkut ittut atuutsillugit piffissap ilinniagaqarfusup sivikillinissaa aalajangiiffigisinnaavaa.

**§ 50.** Lærlingitut aamma ilinniartinneqarnissamik isumaqatigiissutit isumaqatigiissuteqartunit atorunnaarsinneqarsinnaanngillat, taamaattoq tak. imm. 2 aamma § 51.

*Imm. 2.* Sungiusarluni sulinermi qaammatit siulliit 3 misiliiffittut isigineqassapput, taassumalu ingerlanerani illuatungeriit arlaata isumaqatigiissut atorunnaarsissinnaavaa - patsisitaliinngikkaluarluni siumoortumillu nalunaaqqaanngikkaluarluni. Ilinniarfimmiinnerit piffissamut misiliiffimmut ilaatinneqassanngillat.

*Imm. 3.* Ilinniarteq § 48, imm. 1-imi taaneqartunik peqquteqarluni sungiusarluni suliffimminit piffissami misiliiffimmi qaammat 1 sinnerlugu peqanngippat, piffissaq misiliiffik peqanngiffiup sivosoqataanik sivitsorneqassaaq.

**§ 51.** Isumaqatigiissuteqartut arlaata pisussaaffini annertuumik sumiginnarpagit, aappaata isumaqatigiissut atorunnaarsissinnaavaa.

*Imm. 2.* Paasinarsippat isumaqatigiissuteqarnissamut piumasaqaataasoq piumasaqaataasulluunniit arlaqartut pingaarutilik eqqunngitsoq, kingusinnerusukkulluunniit atuukkunnaarpat, illuatungeriit isumaqatigiissummik atorunnaarsitsisinnaapput.

*Imm. 3.* Imm. 1 imaluunniit imm. 2 malillugu atorunnaarsitsineq pissaaq, illuatungeriinni atorunnaarsitsisup atorunnaarsitsinissamut pissutaasumik paasinninneraniit, imaluunniit nalinginnaasumik sissuernikkut paasinnissinnaagaluarneraniit qaammatip ataatsip qaangiutinnginnerani.

*Imm. 4.* Ilinniartup tapertaliussaasumik atuarnera atorunnaarsitsinermut peqqutigineqarsinnaanngilaq.

**§ 52.** Ilinniarteq ilinniartitsinermi ilaatitaajunnaarpat, tak. § 43, imaluunniit ilinniartup soraarummeernerit misilitsinnerilluunniit pisariaqartut angusaqarfiginissaannut periarfissani atoreersimappagit, lærlingitut ilinniartinneqarnissamilluunniit isumaqatigiissut atorunnaassaaq.

**§ 53.** Akerleriissuteqarneq ilinniartup aamma sungiussaammik suliffiusup akornanni suliassanngortinneqarsinnaavoq sungiussaammik suliffissaqartitsinermut ataqatigiissaarisunut, illuatungeriinnik isumaqatigiissitsiniartuusussamut.

*Imm. 2.* Akissarsiatigut atorfininnermilu atugassarititat ilinniartup sungiussaammik suliffiusullu akornanni suliassaraat, aammalu isumaqatigiissut atuuttoq naapertorlugu aalajangiiffigineqartassapput qitiusumik ilinniarfiup akuleruffiginngisaanik.

*Imm. 3.* Taarsiivigineqarnissamik piumasaqartoqassagaluarpat qitiusumik ilinniarfiup aalajangiineranut tunngatillugu, tamanna taamaallaat eqqartuussivinnit aalajangiivigineqarsinnaavoq.

**§ 54.** Ilinniartut lærlingitut ilinniartinneqarnissamilluunniit isumaqatigiissummut ilaasumik ilinniarfimmiinnerminni sulisilluni ajoqusersinnaanermut sillimmasiisarneq pillugu aqqissuussinermut, Kalaallit Nunaanni sulisilluni ajoqusersinnaanermut isumannaarineq pillugu inatsisip atortuulersinneqarneranik peqqussut naapertorlugu sungiusarluni sulinermut atuuttumut ilaapput.

*Imm. 2.* Ilinniartunut atuaatigalutik sungiusartillutik imaluunniit imm. 1-imi taaneqartut avataatigut ilinniarfimmiitillutik ajoquserturnut, Kalaallit Nunaanni sulisilluni ajoqusersinnaanermut isumannaarineq pillugu inatsit assinganik atuutissaaq, suliffimmut assingusuni ilinniartitsisoqartillugu ajoqusertoqarsimappat. Ajoqusernernut taamaattunut aningaasatigut akisussaaffik Namminersorlutik Oqartussaniippoq.

**§ 55.** Naalakkersuisut ilinniartut suliffeqarfilla inatsisitigut atugassarisaat pillugit malittarisassanik erseqqinnerusunik aalajangersaasinnaapput.

## **Kapitali 9**

### *Nakkutilliineq aamma pitsaassusissanik ineriartortitsineq*

**§ 56.** Naalakkersuisut qulliullutik akisussaaffigaat nakkutigisarlugulu ilinniartitsineq, sungiusaammik suliffeqarneq, misilitsittarnerit aamma soraarummeertarnerit, Inatsisartut inatsisaat manna naapertorlugu ingerlanneqarnerat.

*Imm. 2.* Naalakkersuisut qularnaassavaat qitiusumik ilinniarfinni tamani ingerlaavartumik pitsaassusissanik ineriartortitsisoqartarnissaa, angusanillu nalilersuisoqartarnissaa, ilinniartitaanermi atuartitsinermilu, tamatumalu qularnaarneqarnissaanut atatillugu avataaneersunik nalilersuisitsisinnaallutik.

*Imm. 3.* Naalakkersuisut forständerimut peqqussuteqarsinnaapput perorsaanermut, allaffissornermut aamma aningaasaqarnermut tunngasuni.

**§ 57.** Naalakkersuisut pisariaqarunik paasissutissanik qitiusumik ilinniarfinniit piniarsinnaapput ilinniartitaanernut, ilinniagaqartunut aamma sulisunut tunngasuni, tamatumani aamma qitiusumik ilinniarfinnut pulaarsinnaallutik nakkutilliinermik ingerlatsiumallutik, aammalu kisitsisinik paasissutissanik suliaqartitsiumallutik.

*Imm. 2.* Naalakkersuisut malittarisassiorsinnaapput ersarinnerusunik imm. 1-imi eqqaaneqartut pissutsit pillugit.

*Imm. 3.* Naalakkersuisut malittarisassanik aalajangersaasinnaapput elektroniskiusumik attaveqatigiittarnerit qitiusumik ilinniarfiit aamma Naalakkersuisut akornanni pillugit, tamatumani aamma taakkua ilusissaat aaqquussuusaanissaallu paasissutissat tunniunneqartarnerannut atasuni. Kiisalu Naalakkersuisut aamma piumasaqaatinik aalajangersagaliorsinnaapput nakkutilliinernut sillimaniarnernullu tunngasuni.

## **Kapitali 10**

### *Misiliisarnerit aamma ineriartortitsinikkut suliat*

**§ 58.** Naalakkersuisut immikkut ittutigut inatsimmi aalajangersakkanit allaanerusunik iliuuseqarsinnaapput misiliilluni ingerlatsinernut atasuni, perorsaanermut ineriartortitsinermi suliniutit, inuussutissarsiutinik ilinniartitaanerni immikkut toqqarneqarsimasuni suliniutini pissutsinik aalajangersimasunik siuarsaajumallutik, taamatut aaqquussusinikkut ilinniartut Inatsisartut inatsisaat maanna naapertorlugu pisinnaatitaaffii ajornerulersinneqanngippata.

## Kapitali 11

### *Inuussutissarsiutinik ilinniartitaanerni pikkorissartitsisarnerit*

**§ 59.** Aningaasanut inatsimmi aningaasaliissutissatut aalajangiunneqartut iluanni, inuussutissarsiutinik ilinniartitsinermut tunngasutigut pikkorissaanerni angalanermut aningaasartuutitut najugaqarnernullu tapiissuteqartoqarsinnaavoq.

*Imm. 2.* Aammattaaq inuussutissarsiutini immikkut ittuni siuarsagassatut kissaatigineqartuni, pikkorissarnernut aningaasartuutitut matussutissanik qaavatigut tapiissuteqartoqarsinnaavoq, peqataasunut imm. 1-imi taaneqartunut.

*Imm. 3.* Pikkorissarnerit qitiusumik ilinniartinnit isumagineqassapput, tamanullu ammasumik neqeroorutigineqassallutik, taamaattoq tak. imm. 4 aamma 5.

*Imm. 4.* Taamaattoq imm. 3-mi aalajangersagaq apeqqutaatinnagu inuussutissarsiutinik ilinniartitsinermut tunngasutigut pikkorissaanernut, neqerooruteqartartunit allanit neqeroorutigineqartunut tapiissuteqartoqarsinnaavoq, pikkorissarnerit assingusut Kalaallit Nunaanni inuussutissarsiutinik qitiusumillu ilinniartinnit neqeroorutigineqanngippata.

*Imm. 5.* Aammattaaq imm. 3-mi aalajangersagaq apeqqutaatinnagu, inuit ataasiakkaat pikkorissarnernut, qitiusumik ilinniartinnit neqeroorutaanngitsunut, peqataaneritut tapiissuteqartoqarsinnaavoq.

*Imm. 6.* Suliffimmi sinniisit pikkorissarnerinik ingerlatsinermut taakkunungaluunniit peqataanermut tapiissuteqartoqarsinnaanngilaq.

**§ 60.** Ilinniarfik inuussutissarsiutinik ilinniartitsinermut tunngasutigut pikkorissaanernik neqerooruteqartoq peqataanermut akiliisitsisinnaavoq.

*Imm. 2.* Naalakkersuisut makku pillugit malittarisassat aalajangersinnaavaat: pikkorissaanerit tapiiffigineqarsinnaasut siunertaat, peqataasut akiliutaat, tapiissutisinnissamut piumasaqaatit, tapiissutinik qinnuteqarnermi malittarisassat, tassunga ilanngullugit tapiissutit annertussusaat tunniunneqartarnerilu, tassunga ilanngullugit ullormut akit aalajangersimasut aamma pikkorissaanernut nalinginnaasumik tunaartarisassat.

## Kapitali 12

### *Maalaaruteqarneq*

**§ 61.** Inatsisartut inatsisaat manna naapertorlugu aalajangiinerit pillugit maalaarutit, aalajangiinerup tiguneraniit sapaatip-akunneri 4 qaangiutsinnagit Naalakkersuisunut imaluunniit maalaarfissatut Naalakkersuisut pisinnaatitaannut saqqummiunneqarsinnaapput, taamaattoq tak. § 53. Tamannali qitiusumik ilinniartit fagitigut aalajangaanni atuutinngilaq.

*Imm. 2.* Naalakkersuisut maalaarfiusartussat pillugit malittarisassanik aalajangersaasinnaapput, tassunga ilanngullugit maalaarsinnaanermut killiliinerit aamma maalaaruteqarnermi periusissat.

## Kapitali 13

### *Atuuttuulersitsinermut, ikaarsaariarnermut atorunnaarsitsinermullu aalajangersakkat*

§ 62. Inatsisartut inatsisaat atuutilerpoq 1. januar 2025.

*Imm. 2* Ilutigisaanik atorunnaarsinneqarpoq Inuussutissarsiutinut ilinniartitsinerit inuussutissarsiutinullu pikkorissartitsisarnerit pillugit [Inatsisartut inatsisaat nr. 10, ulloq 19. maj 2010-imeersoq](#).

*Imm. 3.* Malittarisassat Inuussutissarsiutinut ilinniartitaanerit inuussutissarsiutinullu pikkorissartitsisarnerit pillugit [Inatsisartut inatsisaanni nr. 10, ulloq 19. maj 2010-imeersumi aalajangersagaasut atuutiinnassapput](#), Inatsisartut inatsisaat manna Inatsisartulluunniit inatsisaat allat tunngavigalugit taarserneqarnissamik atorunnaarsinneqarnissamilluunniit tungaannut. Taamaattoq atorunnaarsinneqarput:

- 1) Qitiusumik ilinniartit aqunneqarnerat pillugu [Namminersornerullutik Oqartussat nalunaarutaat nr. 29, 19. november 1998-imeersoq](#) atorunnaarsinneqarpoq.
- 2) Inuussutissarsiorneq piginnaasallu ineriartortinnissat pillugit Namminersornerullutik Oqartussat nalunaarutaat nr. 10, ulloq 15. april 2008-meersoq atorunnaarsinneqarpoq.
- 3) Qitiusumik ilinniartit siulersuisuisa aningaasarsiassaata aningaasartuutinullu taartisiassaata pillugit Namminersorlulik Oqartussat nalunaarutaat nr. 25, ulloq 23. december 2010-meersoq.
- 4) Qitiusumik ilinniartit angusaqarnissamik isumaqatigiissutit pillugit Namminersorlulik Oqartussat nalunaarutaat 26. december 2010-meersoq atorunnaarsinneqarpoq.

§ 63. Forständerit Inatsisartut inatsisaata matuma atortuulernerani qitiusumik ilinniartit atorfeqartut § 35, imm. 1 naapertorlugu atorfeqarnertik ingerlatiinnassavaat.

*Kalaallit Nunaanni Namminersorlulik Oqartussat, ulloq 3. juuni 2024*

**Múte Bourup Egede (atsior.)**

Naalakkersuisut Siulittaasuut

**Namminersorlulik Oqartussat**

Imaneq 4

3900 Nuuk

E-mail: [nsninatsit@nanoq.gl](mailto:nsninatsit@nanoq.gl)

Linkit iluaqutaasussat

Kalaallit Nunaanni inatsisinut nalunaarutit

Namminersorlulik Oqartussat inatsisinut toqqorsiviat

Naalakkersuisut



